



## ქალაქ ფოთის მუნიციპალიტეტის საკრებულო განკარგულება №6/12

2017 წლის 27 თებერვალი  
ქალაქი ფოთი

პეტიციის წარმდგენი პირების: 1.ირინა ეფრემიძის (მისამართი: ქალაქ ფოთის მუნიციპალიტეტი, მიქაბერიძის ქუჩა №46); 2. ალექსანდრე ბიგვაჯას(მისამართი: ქალაქ ფოთის მუნიციპალიტეტი, მშვიდობის ქუჩა №12ა); 3. კლიმენტი ფხაკაძის(მისამართი: ქალაქ ფოთის მუნიციპალიტეტი, სამეგრელოს ქუჩა №28. ბინა №43) პეტიციის შესახებ

ქალაქ ფოთის მუნიციპალიტეტის საკრებულოში 2016 წლის 27 დეკემბერს შემოვიდა პეტიცია, რომელიც ეხება ქალაქ ფოთის მუნიციპალიტეტის ტერიტორიაზე შეზღუდული შესაძლებლობის სტატუსის მქონე პირების ყოველთვიური მოვლის ხარჯების ოდენობის განსაზღვრას და მუნიციპალიტეტის ბიუჯეტიდან დაფინანსებას.

პეტიციის წარმდგენ პირებს 2016 წლის 29 დეკემბრის წერილით განემართათ, რომ საქართველოს ორგანული კანონის „ადგილობრივი თვითმმართველობის კოდექსი“ 86-ე მუხლის მე-5 პუნქტის „ვ“ ქვეპუნქტის, 86-ე მუხლის მე-4 პუნქტის „გ“ ქვეპუნქტის თანახმად, პეტიცია უნდა შეიცავდეს შესაბამის დასაბუთებას, ე.ი უნდა დასაბუთდეს რამდენად პრობლემატურია საკითხი. ამასთანავე, პეტიციით მოთხოვნილი საკითხი გათვალისწინებულია ქალაქ ფოთის მუნიციპალიტეტის 2017 წლის ბიუჯეტში. ქალაქ ფოთის მუნიციპალიტეტის ბიუჯეტი მოიცავს არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სოციალური და სამედიცინო რეაბილიტაციის ცენტრისა“ და შესაბამისი პროგრამის (პროგრამული კოდი 06 08) დაფინანსებას, პროგრამის მიზანია შინმოვლის სერვისის განვითარებისა და დანერგვის გზით უნარშეზღუდული/მოწყვლადი ადამიანებისათვის ჯანმრთელობის მდგომარეობის გაუმჯობესება. კვალიფიციური სამედიცინო და სოციალური მომსახურების მიწოდება საცხოვრებელ ადგილზე იმ პირთათვის, რომლებიც საკუთარ თავს ვერ უვლიან.

ამდენად, საქართველოს ორგანული კანონის „ადგილობრივი თვითმმართველობის კოდექსი“ 86-ე მუხლის მე-5 პუნქტის „ვ“ ქვეპუნქტის, 86-ე მუხლის მე-4 პუნქტის „გ“ ქვეპუნქტის თანახმად, პეტიცია უნდა ყოფილიყო დასაბუთებული.

საქართველოს ზოგადი ადმინისტრაციული კოდექსის 83-ე მუხლის მე-2 ნაწილის შესაბამისად, თუ განმცხადებელი ადმინისტრაციულ ორგანოს არ წარუდგენს კანონით ან მის საფუძველზე გამოცემული კანონქვემდებარე აქტით გათვალისწინებულ რაიმე დოკუმენტს ან სხვა ინფორმაციას, რაც აუცილებელია საქმის გადაწყვეტისათვის, ადმინისტრაციული ორგანო განმცხადებელს განუსაზღვრავს ვადას, რომლის განმავლობაშიც მან უნდა წარადგინოს დამატებითი დოკუმენტი ან ინფორმაცია.

ამდენად, პეტიციის წარმდგენ პირებს ეთხოვათ, წარმოედგინათ პეტიციის დასაბუთება. საქართველოს ორგანული კანონის „ადგილობრივი თვითმმართველობის კოდექსი“ 86-ე მუხლის მე-5 პუნქტის „დ“ ქვეპუნქტის, 86-ე მუხლის პირველი პუნქტის „ა“ ქვეპუნქტის თანახმად, პეტიცია უნდა შეიცავდეს შესაბამის მუნიციპალიტეტის ტერიტორიაზე რეგისტრირებული პეტიციის წარმდგენი ამომრჩევლების სიას. ამავე კოდექსის 86-ე მუხლის მე-6 პუნქტის შესაბამისად, მუნიციპალიტეტის ტერიტორიაზე რეგისტრირებული პეტიციის წარმდგენი ამომრჩევლების სია უნდა შეიცავდეს შემდეგ მონაცემებს: შესაბამისი მუნიციპალიტეტის ტერიტორიაზე

რეგისტრირებული ამომრჩევლის სახელს, გვარს, დაბადების თარიღს (დღე, თვე, წელი), საქართველოს მოქალაქის პირად ნომერს, რეგისტრაციის ადგილს და ხელმოწერას. ამასთანავე, „ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული საკრებულოს რეგლამენტის 119<sup>2</sup>-ე მუხლის მე-2 პუნქტის შესაბამისად, მუნიციპალიტეტის ტერიტორიაზე რეგისტრირებულ ამომრჩეველთა მიერ წარდგენილი პეტიციის განხილვის თაობაზე განცხადება უნდა შეიცავდეს მუნიციპალიტეტის ტერიტორიაზე რეგისტრირებული პეტიციის წარმდგენი ამომრჩევლების სიას (მუნიციპალიტეტის ტერიტორიაზე რეგისტრირებულ ამომრჩეველთა არანაკლებ 1%-ს), რომელიც უნდა მოიცავდეს შესაბამისი მუნიციპალიტეტის ტერიტორიაზე რეგისტრირებული ამომრჩევლის სახელს, გვარს, დაბადების თარიღს (დღე, თვე, წელი), საქართველოს მოქალაქის პირად ნომერს, რეგისტრაციის ადგილს და ხელმოწერას.

ზემოხსენებულ საკითხთან დაკავშირებით, „ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული საკრებულოს რეგლამენტის 119<sup>3</sup>-ე მუხლის მე-2 პუნქტის „ბ“ ქვეპუნქტის შესაბამისად, პეტიციის წარმდგენ პირებს გადაეცათ მხარდამჭერთა სიის ბლანკები.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული საკრებულოს რეგლამენტის 119<sup>3</sup>-ე მუხლის მე-2 პუნქტის „ე“ და „ვ“ ქვეპუნქტების შესაბამისად, პეტიციის განხილვის თაობაზე განცხადების წარმდგენი სუბიექტი ვალდებულია, შესაბამისი ბლანკების გადაცემიდან 45 სამუშაო დღის ვადაში უზრუნველყოს მუნიციპალიტეტის ტერიტორიაზე რეგისტრირებული ამომრჩევლების 119<sup>1</sup> მუხლის „ა“ ქვეპუნქტებით დადგენილი ოდენობის (მუნიციპალიტეტის ტერიტორიაზე რეგისტრირებულ ამომრჩეველთა არანაკლებ 1%-ს), ხელმოწერათა შეგროვება და მუნიციპალიტეტის საკრებულოსთვის წარდგენა.

პეტიციის წარმდგენმა პირებმა დადგენილ ვადაში 2017 წლის 06 თებერვალს წარმოადგინეს მუნიციპალიტეტის ტერიტორიაზე რეგისტრირებული პეტიციის წარმდგენი ამომრჩევლების ხელმოწერილი სია, რომელიც აკმაყოფილებს კანონმდებლობის მოთხოვნებს. ამასთანავე, პეტიციის წარმდგენმა პირებმა წარმოადგინეს საკუთარი დასაბუთება პეტიციასთან დაკავშირებით.

საქართველოს ზოგადი ადმინისტრაციული კოდექსის 83-ე მუხლის მე-4 ნაწილის შესაბამისად, თუ კანონით სხვა რამ არ არის დადგენილი, დამატებითი დოკუმენტის ან სხვა ინფორმაციის წარდგენამდე განცხადების განხილვის ვადის დინება შეჩერებულიად ითვლება, ე.ი 2017 წლის 6 თებერვლამდე პეტიციის წარმდგენი პირების მიერ ამომრჩევლების ხელმოწერილი სიისა და დასაბუთების წარმოდგენამდე განცხადების განხილვის ვადის დინება შეჩერებული იყო.

ქალაქ ფოთის მუნიციპალიტეტის საკრებულოს ბიურომ 2017 წლის 13 თებერვალს განიხილა, წარმოდგენილი პეტიცია და დაადგინა შემდეგი:

1. პეტიციის წარმდგენმა პირებმა დადგენილ ვადაში 2017 წლის 06 თებერვალს წარმოადგინეს მუნიციპალიტეტის ტერიტორიაზე რეგისტრირებული პეტიციის წარმდგენი ამომრჩევლების ხელმოწერილი სია, რომელიც აკმაყოფილებს კანონმდებლობის მოთხოვნებს. ამასთანავე, პეტიციის წარმდგენმა პირებმა წარმოადგინეს საკუთარი დასაბუთება პეტიციასთან დაკავშირებით.
2. პეტიციით მოთხოვნილი საკითხის გადასაწყვეტად, უნდა განხორციელდეს ქალაქ ფოთის მუნიციპალიტეტის 2017 წლის ბიუჯეტში ცვლილების შეტანა, კერძოდ: პეტიციის შინაარსიდან გამომდინარე უნდა მოხდეს პროგრამის განხორციელებისა და დაფინანსების წესის შეცვლა. საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველი პუნქტის „გ.ა“ ქვეპუნქტის შესაბამისად, მხოლოდ ქალაქ ფოთის მუნიციპალიტეტის მერის კომპეტენციას წარმოადგენს მუნიციპალიტეტის ბიუჯეტში შესატანი ცვლილების პროექტის საკრებულოსთვის წარდგენა.

საქართველოს ორგანული კანონის „ადგილობრივი თვითმმართველობის კოდექსი“ 86-ე მუხლის მე-11 პუნქტის თანახმად, პეტიცია საკრებულოს ბიუროს გადაწყვეტილებით განსახილველად ეგზავნება მუნიციპალიტეტის მერს. ამავე, კოდექსის 86-ე მუხლის მე-18 პუნქტის შესაბამისად, მუნიციპალიტეტის მერი ვალდებულია განიხილოს მუნიციპალიტეტის საკრებულოს ბიუროს მიერ უფლებამოსილების შესაბამისად გადაგზავნილი პეტიცია და განხილვის შედეგების შესახებ

მუნიციპალიტეტის საკრებულოს და პეტიციის წარმდგენ სუბიექტს უნდა აცნობოს პეტიციის განსახილველად მიღებიდან 1 თვის ვადაში. ეს ვადა მუნიციპალიტეტის საკრებულოს ბიუროს თანხმობით შეიძლება 1 თვით გაგრძელდეს.

ზემოხსენებულიდან გამომდინარე, ქალაქ ფოთის მუნიციპალიტეტის მერს ეთხოვა პეტიციაში დასმული საკითხის განხილვა და შესაბამისი წინადადებების წარმოდგენა.

ქალაქ ფოთის მუნიციპალიტეტის მერის 2017 წლის 22 თებერვლის №1-05/344 წერილის შესაბამისად, არ უნდა დაკმაყოფილდეს პეტიციით მოთხოვნილი საკითხი, ვინაიდან, პეტიციით მოთხოვნილი საკითხი გათვალისწინებულია ქალაქ ფოთის მუნიციპალიტეტის 2017 წლის ბიუჯეტში.

ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიამ, ქალაქ ფოთის მუნიციპალიტეტის საკრებულოს საფინანსო-საბიუჯეტო კომისიამ, სოციალურ საკითხთა კომისიამ 2017 წლის 23, 27 თებერვლის დასკვნებით, საქართველოს ორგანული კანონის „ადგილობრივი თვითმმართველობის კოდექსი“ 86-ე მუხლის მე-12 პუნქტის „გ“ ქვეპუნქტის თანახმად, მიიღო გადაწყვეტილება, პეტიციის განხილვის მიზანშეუწონლად მიჩნევის თაობაზე, ვინაიდან, პეტიციით მოთხოვნილი საკითხი გათვალისწინებულია ქალაქ ფოთის მუნიციპალიტეტის 2017 წლის ბიუჯეტში.

საქართველოს ორგანული კანონის „ადგილობრივი თვითმმართველობის კოდექსი“ 86-ე მუხლის მე-16 პუნქტის თანახმად, თუ, საკრებულოს კომისია მიიღებს გადაწყვეტილებას პეტიციის განხილვის მიზანშეუწონლად მიჩნევის თაობაზე, მუნიციპალიტეტის საკრებულო შესაბამის ინფორმაციას იღებს ცნობად.

### **აღნიშნულიდან გამომდინარე:**

#### **მუხლი 1.**

1. ცნობად იქნეს მიღებული ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის, ქალაქ ფოთის მუნიციპალიტეტის საკრებულოს საფინანსო-საბიუჯეტო კომისიის, სოციალურ საკითხთა კომისიის 2017 წლის 23, 27 დასკვნები, ირინა ეფრემიძის (მისამართი: ქალაქ ფოთის მუნიციპალიტეტი, მიქაბერიძის ქუჩა №46); 2. ალექსანდრე ბიგვავას (მისამართი: ქალაქ ფოთის მუნიციპალიტეტი, მშვიდობის ქუჩა №12ა); 3. კლიმენტი ფხაკაძის (მისამართი: ქალაქ ფოთის მუნიციპალიტეტი, სამეგრელოს ქუჩა №28. ბინა №43) პეტიციის განხილვის მიზანშეუწონლობის შესახებ.

2. ცნობად იქნეს მიღებული ის გარემოება, რომ პეტიციით მოთხოვნილი საკითხი, გათვალისწინებულია ქალაქ ფოთის მუნიციპალიტეტის 2017 წლის ბიუჯეტში.

#### **მუხლი 2.**

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი; ქალაქ ფოთის მუნიციპალიტეტი, დავით აღმაშენებლის ქუჩა №3).

#### **მუხლი 3.**

განკარგულება ძალაშია 2017 წლის 27 თებერვლიდან.